

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

ՀԱՅՏԱՐԱՐՈՒԹՅՈՒՆ

ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

Բողոքի ծածկագիրը և ամսաթիվը՝ ԳԲՔԱ-ԼՕ-2021/60, 02.07.2021թ.

Բողոք բերող անձ՝ «Վոլոդյա Բաղդասարյան Արագի» Ա/Ձ

Պատվիրատու՝ «Հայաստանի հեռուստատեսային և ռադիոհաղորդիչ ցանց» ՓԲԸ

Գնման ընթացակարգի ծածկագիրը՝ «ՀՀՌ-Ց-ԳՀԱՇՁԲ-21/08» գնանշման հարցում

Գնման առարկան՝ տանիքի վերանորոգման և հեռուստաաշտարակների ներկման աշխատանքների ձեռքբերում

Բողոքի պահանջը՝ պարտավորեցնել գնահատող հանձնաժողովին՝

1. ընդունել 24.06.2021թ.-ի թիվ 3 արձանագրության 3.1 կետը մասնակի՝ «Վոլոդյա Բաղդասարյան Արագի» Ա/Ձ-ի հայտն անբավարար գնահատելու և մերժելու մասով, դադարեցնելու մասին որոշում,
2. ընդունել 24.06.2021թ.-ի թիվ 3 արձանագրության 3.2 կետը և պայմանագիր կնքելու մասին որոշումը դադարեցնելու մասին որոշում:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Լ. ԱՆԱՆԻԿՅԱՆ**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

ԳՆՈՒՄՆԵՐԻ ՀԵՏ ԿԱՊԿԱԾ ԲՈՂՈՔՆԵՐ
ՔՆՆՈՂ ԱՆՁԻՆ

ԲՈՂՈՔ ԲԵՐՈՂ

«ԿՈՆՈՂՅԱ ԲԱՂՂԱՍԱՐՅԱՆ ԱՐԱԶԻ» Ա/Զ
(գրանցման համար՝ 80.1178489, ՀՎՀՀ
43194072, նույնականացման քարտ՝
005817168, տրվ.՝ 02.05.2017թ., 046-ի
կողմից, հաշվառված՝ Կոտայքի մարզ,
Պռոշյան, 5 փող. 18 նրբ. 7 տուն)

ՆԵՐԿԱՅԱՑՈՒՑԻՉ

ՄԱՐՏՈՒՆ ՀԱՄԼԵՏԻ ՄԿՈՅԱՆԻ
(փաստաբանական գործունեության
արտոնագիր թիվ՝ 1909, նույնականացման
քարտ՝ 000328468, տրված՝ 14.06.2013թ-ին
008-ի կողմից, հասցե՝ ք. Երևան,
Անդրանիկի փող. 89շ. բն. 19, հեռ. 077 99-
11-44, էլ. փոստ՝ mkoyanm@mail.ru)

ՊԱՏԿԻՐԱՏՈՒ

«ՀԱՅԱՍՏԱՆԻ ՀԵՌՈՒՍՏԱՏԵՍԱՅԻՆ ԵՎ
ՈԱԴԻՈՀԱՂՈՐԴԻՉ ՑԱՆՑ» ՓԲԸ
(հասցե՝ Նորք, Հովսեփյան 95)

ԳՆԱՆ ԸՆԹԱՑԱԿԱՐԳԻ ԱՌԱՐԿԱՆ
ԵՎ ԾԱԾԿԱԳԻՐԸ

ՀՀՈՑ-ԳՀԱՇՁԲ-21/08
«ՀՀՈՑ»-Ի ԿԱՐԻՔՆԵՐԻ ՀԱՄԱՐ՝
ՏԱՆԻՔԻ ԿԵՐԱՆՈՐՈԳՄԱՆ
ԱՇԽԱՏԱՆՔՆԵՐԻ ԵՎ
ՀԵՌՈՒՍՏԱՏՍԱՐԱԿՆԵՐԻ ՆԵՐԿԱՆ
ՁԵՌՔԲԵՐՈՒՄ

ԲՈՂՈՔ

Բողոքաբերն ի թիվս այլ մանակիցների մասնակցության հայտ է ներկայացրել
պատվիրատուի կողմից հայտարարված թիվ ՀՀՈՑ-ԳՀԱՇՁԲ-21/08 ծածկագրով գնանշման
հարցման ընթացակարգի 2-րդ չափաբաժնի մասով (այսուհետ՝ ընթացակարգ):

Հայտարարված ընթացակարգի հարվրեով պահանջվել է «Բարձրության վրա
վտանգավոր աշխատանքների կատարում ալպինիստական տեխնոլոգիաներով և առաջին
բուժ. օգնություն» վկայական:

Բողոք բերողի կողմից հայտով ներկայացվել է պահանջվող վկայականը:

Բողոք բերողի կողմից ներկայացված գնային առաջարկը 2-րդ չափաբաժնի մասով եղել
է 2-րդը՝ Նարեկ Կարապետյան Ա/Զ-ի առաջարկած գնից հետո, իսկ մյուս երկու
մասնակիցների առաջարկած գները գերազանցել են նախահաշվային գինը:

Գնահատող հանձնաժողովի 16.06.2021թ-ի թիվ 2 արձանագրության 4-րդ կետով բողոք բերողի ներկայացված հայտում ի թիվս այլ անհամապատասխանությունների, արձանագրվել է նաև անհամապատասխանատվություն աշխատանքային ռեսուրսները հիմնավորող փաստաթղթերում:

Գնահատող հանձնաժողովը Կարգով սահմանված կարգով 1 աշխատանքային օրով կասեցրել է նիստը և առաջարկել է շտկել անհամապատասխանությունները:

Բողոք բերողի կողմից սահմանված ժամկետում շտկվել է անհամապատասխանությունը, իսկ աշխատանքային ռեսուրսների մասով, ինչպես արդեն նշել են, ներկայացվել է հայտով:

Գնահատող հանձնաժողովի 24.06.2021թ-ի N 3 արձանագրության 3.1 կետով բողոք բերողի հայտը գնահատվել է անբավարար և մերժվել է: Որպես մերժման հիմք գնահատող հանձնաժողովը նշել է՝ մեջբերում. «ա. Բարձրության վրա վտանգավոր աշխատանքներ կատարում ալպինիստական տեխնոլոգիաներով և առաջին բուժ. օգնություն վկայականում նշված է վավերականության ժամկետը՝ մինչև 06.21թ.: Սույն արձանագրության 2.1 կետի ա/ ենթակետով նախատեսված փաստաթղթի գործողության վերջնաժամկետի երկարաձգման հետ կապված գործընթացի վերաբերյալ տեղեկատվություն ստանալու համար կատարվել է հարցում, որին ի պատասխան ստացվել է հետևյալը. Նշված սերտեֆիկատը ուժի մեջ է մինչև 30.06.2021թ-ը: Նշված անձը կամ անձը ներկայացնող ընկերությունը կարող է դիմել մեզ սերտեֆիկատի երկարացման համար, անցնելով համապատասխան ուսուցում-վերապատրաստում:

Քանի որ աշխատանքների կատարումն իրականացվելու է հուլիս-սեպտեմբեր ամիսներին, իսկ պարզաբանումից կարելի է ենթադրել, որ պայմանագրի կատարման ընթացքում համապատասխան ուսուցում-վերապատրաստումից հետո կարող է նաև չերկարաձգվել վկայականի ժամկետը, ապա տվյալ փաստաթուղթը չի կարող համարվել վավեր աշխատանքների կատարման փուլում»:

24.06.2021թ-ի N 3 արձանագրության 3.2 կետով գնահատող ժանձնաժողովը ընթացակարգի մասնակիցներից «Տերմոպրոեկտ» և «Պրոթերմ» ՍՊԸ-ներին 2-րդ չափաբաժնի մասով հրավիրել է գների նվազեցման շուրջ միաժամանակյա բանակցությունների:

28.06.2021թ-ին գնահատող հանձնաժողովը տեղեկագրում հրապարակել է պայմանագիր կնքելու որոշման մասին հայտարարություն, համաձայն որի 2-րդ չափաբաժնի մասով ընտրված մասնակից է ճանաչվել «Տերմոպրոեկտ» ՍՊԸ-ն:

Գտնում են, որ գնահատող հանձնաժողովի կողմից բողոք բերողի հայտն անբավարար գնահատելը ոչ իրավաչափ է հետևյալ պատճառաբանությամբ.

«Գնումների մասին» ՀՀ օրենքի 34-րդ հոդվածի 1-ին կետի համաձայն՝ հայտերը գնահատվում են հրավերով սահմանված կարգով: Բավարար են գնահատվում հրավերով նախատեսված պայմաններին համապատասխանող հայտերը, հակառակ դեպքում հայտերը գնահատվում են անբավարար և մերժվում են:

Սույն ընթացակարգի հրավերի 2-րդ չափաբաժնին վերաբերող «աշխատանքային ռեսուրսները» սյունյակի ուսումնասիրությունից պարզ է դառնում, որ մասնակցի կողմից անհրաժեշտ է ներկայացնել բարձրության վրա վտանգավոր աշխատանքներ կատարում ալպինիստական տեխնոլոգիաներով և առաջին բուժ. օգնություն վկայական, որն ինչպես արդեն նշել եմ, բողոք բերողի կողմից ներկայացվել է: Այսինքն՝ կարելի է արձանագրել, որ բողոք բերողի կողմից ապահովվել է հրավերով նախատեսված պահանջը:

ՀՀ Սահմանադրության 6-րդ հոդվածի առաջին մասի համաձայն՝ պետական և տեղական ինքնակառավարման մարմիններն ու պաշտոնատար անձինք իրավասու են կատարելու միայն այնպիսի գործողություններ, որոնց համար լիազորված են Սահմանադրությամբ կամ օրենքներով:

Վերը նշված դրույթներով ամրագրվում է իրավական պետության իշխանության թույլատրելի շրջանակի բովանդակությունն առ այն, որ պետական և տեղական ինքնակառավարման մարմիններն ու պաշտոնատար անձինք իրավասու են կատարել միայն ՀՀ Սահմանադրությամբ, օրենքներով և դրանց հիման վրա ընդունված օրենսդրական այլ ակտերով նախատեսված գործողություններ, հետևաբար՝ այդ լիազորությունները (գործառույթները, իրավունքները և պարտականությունները) կամայական չեն և չեն կարող հակասել Սահմանադրությանը, օրենքներին և դրանց հիման վրա ընդունված օրենսդրական այլ ակտերին, ինչը նշանակում է, որ ՀՀ-ում պետական մարմիններն իրենց գործունեությունում «ազատ» չեն, այլ կաշկանդված են իրավունքով և օրենքով, ինչը դրսևորվում է օրենքի գերակայությամբ՝ պետական մարմնի ոչ մի իրավական ակտ, գործողություն կամ անգործություն չպետք է հակասի օրենքին:

Սույն գործի փաստերի համաձայն՝ գնահատող հանձնաժողովը առաջնորդվել է ոչ թե օրենքով, այլ սեփական ենթադրությամբ, որպիսի իրավունքը վերջինիս որևէ իրավական ակտով վերապահված չէ:

Նշեմ ավելին, 30.06.2021թ-ին բողոք բերողին «Վտանգավոր բարձրություն» ՍՊԸ-ի կողմից տրամադրվել է N 2506.21 վկայականը:

Նման հանգամանքը ևս մեկ անգամ հաստատում է, որ գնահատող հանձնաժողովը ցուցակերել է սուբյեկտիվ և կանխակալ մոտեցում բողոք բերողի նկատմամբ:

Հաշվի առնելով վերոգրյալը և ղեկավարվելով «Գնումների մասին» ՀՀ օրենքի 46-50-րդ հոդվածների դրույթներով

խնդրում եմ

բողոքը բավարարել, այն է՝

1. Պարտավորեցնել գնահատող հանձնաժողովին ընդունել 24.06.2021թ-ի N 3 արձանագրության 3.1 կետը մասնակի՝ բողոք բերողի հայտն անբավարար գնահատելու և մերժելու մասով, դադարեցնելու մասին որոշում:
2. Պարտավորեցնել գնահատող հանձնաժողովին ընդունել 24.06.2021թ-ի N 3 արձանագրության 3.2 կետը և պայմանագիր կնքելու մասին որոշումը դադարեցնելու մասին որոշում:

3. Պարտավորեցնել գնահատող հանձնաժողովին ընդունել բողոք բերողի հայտը բավարար գնահատելու և ընտրված մասնակից ձանաչելու մասին որոշում:

Բողոքը բավարարվելու դեպքում խնդրում եմ Բողոքաբերի կողմից նախապես վճարված 30000 ՀՀ դրամ բողոքարկման վճարը հետ փոխանցել «ԱՀայրիզնեսքանկ» ՓԲԸ N 1150013247777741 հաշվեհամարին:

Կից ներկայացնում եմ

1. Բողոքաբերի անձնագրի պատճենը
2. Քաղվածք պետական միասնական գրանցամատյանից
3. Լիազորագիր
4. Արտոնագրի պատճենը
5. Նույնականացման քարտի պատճենը
6. 24.06.2021թ-ի N 3 արձանագրության պատճենը
7. Պայմանագիր կնքելու մասին որոշման մասին հայտարարությունը
8. Բողոքարկման վճարի անդորրագիրը:

ԲՈԴՈՔ ԲԵՐՈՂԻ ՆԵՐԿԱՅԱՑՈՒՑԻՉ
ՄԱՐՏՈՒՆ ՄԿՈՅԱՆ



01.07.2021թ.